

34342
350
6
Q. D. B. V.
DISSERTATIO MEDICA INAUGVRALIS
DE

CINNAMOMO,

RECTORE MAGNIFICENTISSIMO
SERENISSIMO PRINCIPE AC DOMINO
D O M I N O

GVILIELMO HENRICO,

DVCE SAXONIÆ, IVLIACI, CLIVIÆ, AC MONTIVM,
ANGARIÆ ET WESTPHALIÆ & reliqua,

SVB PRÆSIDIO

GEORGII WOLFFGANGI WEDELII,

HEREDITARII in Schwarza /

MEDICINÆ DOCTORIS, COMITIS PALATINI CÆSAREI,

SERENISSIMORVM SAXONIÆ DVCVM CONSILIARII

ET ARCHIATRI,

THEORETICES PROFESSORIS PVBLICI ORDINARIJ,

Patroni, Præceptoris & Susceptoris omni honoris cultu ac filiali

observantia ætatem prosequendi,

PRO LICENTIA,

Summos in arte Medica honores, Insignia & PRIVILEGIA DOCTORALIA,

MORE MAIORVM, rite capeßendi,

PVBLICÆ DISQVISITIONI EXPOSITA

GEORGIO CHRISTIANO TITIO, Ienensi,

IN AVDITORIO MAIORI,

horis ante- & pomeridianis consuetis,

A. D. Decembr. A. C. M DCC VII. c. fig. aen.

IENÆ, LITTERIS KREBSIANIS.

XL




Cinnamomi Ceylanici
ramulus cum foliis,
floribus et fructibus.



Handwritten text in a cursive script, likely a title or description, located in the upper right corner of the page.





I. N. I.

PRÆFAMEN.



Leganti voce aromata Græcis audiunt & dicuntur ἡδύσματα, quasi dicas suauia, iucunda, grata & accepta, non tam oculis, quamuis & his abblandiantur, quam odore & sapore.

Hoc enim ipsorum est formale, & præbent condimenta cibis & potibus ipsis longe gratissima, ut moraliter ioci ἡδύσματα seu condimenta laborum. Præbent medicamenta non solum essentialia, sed & reliquis gratiam sua accessione foenerant.

Faciunt ad esse & bene esse & aromata, καὶ ἐξοχλῶ dicta, & aromatica, summæ utilitatis, nec minoris iucunditatis, seu intra corpus assumantur, seu extus in usum vocentur.

Vti vero, quæ utroque nomine eminent, reliquis omnibus anteponenda, sapore, inquam, & odore, ita & hoc titulo & aliis primatum sibi vendicant, inter alia, cortices.

De diuisione hac aromatum, si sub certas classes vocentur, optime egit *Smetius in Miscellaneis*. Li-

ceat vero nobis primas partes assignare CINNAMOMO, quod cum cassia lignea sub corticibus locat.

Hoc enim maximo suo iure id meretur, si in comparationem veniat, & omnium, & singulorum. Quare operæ pretium duximus, hoc, tanquam apicem omnium aromatum, delibare, & quantum temporis & instituti nostri ratio permittit, DE O. O. M. benedicente, rursus.

CAPUT I.

De

Cinnamomi Definitione nominali & reali.



Ruſtraneum quidem prima fronte videri poſſet, in NOMINIS ſpeculatione occupari, cum rei potius ratio habenda ſit, neque ad forum medicum illa æque pertineant: verum enimvero multum ad rei notionem nominum notio facit. Ut enim elegantia id debetur, & ſolidiori rei ſcrutinio viſtruitur, ad eiusdem adyta exhaurienda, ita idem apprime decet medicum.

Nomen cinnamomi, aromati coarctum quaſi, vtrumque antiquiſſimum eſt. Falluntur ſine dubio, qui alluſione quadam ducti quaſi Chin-amomum, id eſt amomum ex China, dictum rentur. Neque enim cum amomo quicquam commune habet cinnamomum. Par ratio eſt eorum, qui Moluccis cannama vocari putant, can vero lignum ſignificare, nama dulce, ut idem ſic ſonet, quaſi lignum dulce.

Remo-

Remotior fuerit potius hæc allusio, & si verum id est, mere accidentaria. Ultra enim Moluccenses sapere oportet, & alius repetenda vera originationo.

Suggerunt eandem omnium antiquissimi fontes sacri, unde in reliquas omnes linguas nomen fluxisse congrue magis statui debet. Quis antiquior scriptor diuino Mose? quis sapientior Ægyptiis autoribus, quorum vniuersam artem, atque scientiam intime calluit idem? Clare hoc admodum, & ad oculum patet, quando *Exod. XXX. v. 23.* res & nomen optime exprimitur; hoc per vocem ipsissimam, in aliis omnibus retentam, sola cuique linguæ genio propria flexione variata, *דשן-ימין cinnamomi aromatis.* Hoc enim & pro adiectiuo, vi linguæ, accipi potest, i. e. odorati, & longe magis emphatico substantiuo, aromatis, quod plus dicit.

Et *Cantic. 4. v. 14.* sapientissimus Regum laudat *ימין*. Non opus est aliorum populorum expressionem laudare, satis est Græcorum *κιννάμωμον* & Latinorum *cinnamum*, (ita enim ad verbum redditur,) & *cinnamomum*, singula duplicato n, instar omnium sufficere. Apud *Theophrastum* vero simplex id solum occurrit, non geminatum, vti etiam apud alios promiscue, quod mox ad cassiam applicabimus quoque. Germanis *Zimmet* / item specialius *Zimmetrinde* audit.

/ Non possumus vero, quin memoremus solenniter itemdem vocari *Canellam*, maxime Belgis *Caneel*, hinc & aliis, idque non incongrue. Ita enim dicitur a mechanica similitudine, qua cum canna conuenit, quasi dicas, parua canna, cortex cinnamomi arboris oblonga incuruata, ab exsiccatione æstuantis solis, & inflexa, nonnunquam ex dimidio saltem, nonnunquam ex toto quasi magis. Dictumque est idem nomen similiter ab Hebræo *קנה canna, calamus.*

Nec *cassia* nomen reticendum est, non solum, quod cum cinnamomo confundatur vulgo, verum etiam quod

maxime affinis sit, quin locum generis quasi obtineat & subeat, pluribus distinctis communis, & specialius certæ speciei attributa, unde necessum est, hæc lustrare paulo penitius.

Enimuero reuera cassia & casia vnum idemque est nomen, & frustra diuellendum. Qui id asserunt, vt *Anguillara*, & forte alii quidam, videntur id fecisse, si verum fateri volumus, ex ignorantia Græcæ linguæ. Siquidem apud *Dioscoridem* & alios omnino κασία pro κασία scribitur & prædicatur, citra vllum discrimen.

Adde, quod Græcis solenne est, in aliis vocibus similibus pro simplici σ duplicatum, & pro duplici simplex scribere & pronunciare, vt κασίτερος & κασίτερος. Neque vlla ratio est, quæ ex leuicula hac differentia & diuersa scriptione hac distinctam rem inferat, vel significet.

Posito hoc & concessa merito affinitate, tamen cinnamomum & cassia non vnam rem, apud nos h. l. medicamentum & materiam medicam, sed duo significat & infert distincta, seu sacrum Codicem consulamus, seu profanos scriptores. Omnes enim illi in hoc accurate conueniunt. Duo diuersa nomina, non synonyma sunt, vel esse possunt æque, nisi aliud quid hoc inferat, vel euincat.

Non dicemus de aliis, ipsa vox קָנָה nobis jam sufficiat, quæ vt cassiam, seu casiam, notat, & indifferens est, molliori, vel pleniori effato pronunciata, notanter coniungitur cum laudata altera קָנָה apud *Ezechielem* c. 27. v. 19. liceat nobis tantisper interpretari *cassiam* & *cinnamomum*, donec meliora affulgeant ad hæc illustranda.

Distincta similiter apud profanos scriptores, & non medicos, vt ita loquamur, & medicos ex professo, demonstrat locus elegantissimi & principis Poetarum, *Plauti* puta, *Curcul. Act. I. Scena II.* vbi ita scribit:

Tu mi-

DE CINNAMOMO.

*Tu mihi staſſe, tu CINNAMOMVM, tu roſa,
Tu crocinum & CASIA es, tu bdellium.*

Vbi *Taubmannus* in comment: cinnamomum aroma fragrantiffimum, cuius in locum ſucceſſit nobis caſia, κασσία σύεγγ, Zimmetrinde / admodum inconuenienter, & rei incongrue.

Vtut vero cortices aromatici non vni hodie ſint cogniti, recepti, & in uſu; minus tamen ad cinnamomum & caſſiam, quo de nobis res & ſermo eſt, referendi, quamuis ad alterutrum ſpectare dicantur communiter. Ita ad caſſiam approximare putatur *caſſia caryophyllata*, illa a figura, hæc ab odore conſimili dicta. Et caſſia ſane caryophyllata hæc reuera natiua eſt, non arte vel fucō facta & enata, quod aliquibus viſum eſt. Teſtatur id ſubſtantia, copia, pretium minus, quam fucus ferre poſſit, textura ipſa, uſus, & alia. Germ. Melſſen-Zimmet.

Sic & coſtus Arabicus, ſiue idem, vt apparet, cum cortice Winterano, ſeu diuerſus potius, Germanis weiſſer Zimmet / nihil plane cum cinnamomo vel caſſia habet commune, diuerſo plane colore, odore, ſapore, viribus & uſu. Cortices ſunt vtrique, cortices aromatici, ſed quoad reliqua omnia diſtinſta. *Caſſia* vero *fiſtularis* plane alterius eſt generis, cuius canna toto cœlo differt a caſſia aromatica, & cinnamomo, virtute laxatiua conſpicua.

Et hi fere ſunt cortices uſitati, ſub hoc genere locandi, ſpecialius vero cinnamomum & caſſia κατ' ἐξοχήν dicta, de quibus plura etiam attinet dicere, de cinnamomo quidem principaliter, de caſſia adæquate.

Cinnamomi olim ſex ſpecies numerabantur a *Dioſcoride* l. 1. c. 13. & *Galeno*, quas huc arceſſere & ſingulatim delibare ſuperfluum foret, quandoquidem illa & nomina & ſpecies, nec nomine, nec re, amplius extant, ſed vel

8 DISSERTATIO MEDICA INAUGVRALIS
exoleta sunt plane , nec in usu , vel tantum velut abortus
quidam priorum.

Ne tamen gratis videamur illas omittere , sed ex isto
numero usum aliquem obtineamus , admittenda fuerit di-
stinctio , quæ in *verum* & *spurium* obtinet , & retinenda
omnino. Memorat enim, præter priores genuinas & veras,
quod ἐὺωδὲς σφόδρα, & quod λίαν ἐὺωδὲς *admodum*, & *valde*
suaueolens vocantur , spuriam & falsam speciem , quod ,
ψευδοκιννάμωμον, *pseudocinnamomum* appellat, & lignosum;
ἐστὶ δὲ τι καὶ ἄλλο ὅμοιον τὸ καλούμενον ψευδοκιννάμωμον. εὐτελὲς ὅτι
εὐτυνον τῇ ὁσμῇ, *inquit. Est vero simile aliud, cui pseudocinna-*
momo nomen est, vile, inualidi odoris, exolutarumque virium.

Hoc iterum statui potest duplex, alterum *natura* tale, seu
nativum, inodorum, non aromaticum, insipidum, quale fuit
Dioscorideum illud, non officinale hinc , nec ætium, si-
mile, non idem , vt si faciem videas , cinnamomum putes;
sin odorem consulas , si saporem explores , nihil minus
quam tale.

Alterum *arte* , fucō , fallacia præuia factum , quale
destillata ex canella aqua , vel oleo , per mechanicam chi-
micam consurgit, cuius specimen toto die accidit in capite
mortuo, quod vocant, ab illis destillatis residuo.

Ita maximam cinnamomi & caryophyllorum partem
spirituosissimis & subtilissimis partibus aromaticis in India
insigniter orbari , prius , quam in Europam transferantur,
refert Boyle *Tentam. Physiol. p. m. 88.*

Non aliter id fieri putandum est, quam mediante de-
stillatione, sed in vasis maioribus saltem, ex cinnamomo ge-
nuino, siquidem cannæ sint maiores. Nativum vero quo-
que dari tale Dioscoridis autoritas euincit, olim enim, seu
seculis illis pristinis , incognita forsan fuit ars destillandi
aquas. Vidimus apud seplasiarium nostratem bonam satis

quan-

quantitatem talis spurii, seu pseudocinnamomi, facie genuino ut ouum ouo simile, sed nullo odore, nullo sapore aromatico.

Argui tamen videtur, posse dari etiam medium, seu cinnamomum genuinum & satis bonum, variationem tamen quandam subiens. Meminit talis periodicæ nonnunquam, quoad vigorem, in cinnamomo variationis, *Daniel Ludovici*, vir candidissimus & ἀντίπνευς, qui sæpius observauit, optimæ notæ allatas cannas, pipereque pro more aromatizantium sepultas, saporem natium aliquando exuisse fere penitus, librum æque ac crassiores cortices (hunc tamen frequentius,) post aliquod vero temporis (incertum tamen) spatium recuperasse id denuo satis vegetum, ubi & de causis huius phænomeni disquirat, *Miscell. Nat. Curios. Dec. I. Ann. IV. obs. 202. p. 278.* Præter illas vero satis curiosas ipsa ætheris diuersitas, particulas illas sapidas porosque ipsos modo expandens magis, modo concentrans, addi posse videtur.

Ceterum nec species illas Dioscorideas de nihilo esse, vel ad non entia referendas, fidem facit *Breynius l. c.* qui præter notas cortices aromaticas plures alias obtinuit, idem attestantes. Sufficit cinnamomum electum officinale instar omnium esse, & nostræ iam considerationis. Cinnamomum primario & speciatim acceptum, pro cortice vsuali præcipuo, & solo, adæquate arborem ipsam.

Ut vero distinctius species hodie vsitatas delibemus quoque, tres potissimum, si corticem chinæ de china, & alios, huc non referamus, secuti Dispensatorium Collegii Medici Noribergensis curatissimum, memorandæ veniunt. Prima sit, quæ quidem vltima inuentione & vsu fuit, recentior, & a *Pisone* potissimum descripta, iam tacta, cassia caryophyllata, seu *cinnamomum caryophyllatum*, *Negelein-*

10 DISSERTATIO MEDICA INAUGURALIS
Röhren / Melcken Zimmet / de quo quidem plura non
addemus.

Altera, cum cinnamomo κατ'ἐξοχήν dicto paris anti-
quitatis & vsus, CASSIA LIGNEA, CINNAMOMVM, seu canella
MALABARICA & Iauanensium B. II. Mutter Zimmet. Hu-
ius mentio egregiam thesin aliam infert, commodè dici
posse cassiam ligneam hanc *cinnamomum fœminam*, vt *cin-
namomum verum marem*, ad instar aliorum, hoc nomine,
seu prædicato gaudentium, siue vires spectes, seu vsu, con-
grue admodum.

Tertium denique est cinnamomum nobilissimum;
CANELLA CEILANICA L. B. a patria dicta, qua de fusius paulo
agendum venit, si prius DEFINITIONEM realem præmiseri-
mus, quam sequentem dabimus.

Cinnamomum est cortex exoticus, cannæ instar, ar-
boris cognominis glandiferæ, præcipue ex Insula Ceilan,
colore ex flavo ruber, sapore dulci acuto-aromatico pene-
tranti, a sale volatili oleoso naturæ amico, particulis terreis
acidisque immerso, polychrestus.

GENVS est cortex, isque aromaticus, in vniuerso orbe
celeberrimus, & notissimus hodie, & quidem medianus seu
interior, ipso exteriori tenuiori, cum recens est, facile sepa-
rando, canellæ Ceilanicæ nomine hodie veniens.

Cortex est, sensu teste, isque modo maior, modo mi-
nor, oblongus, cannæ æmulus, neque enim maius & mi-
nus variant speciem, quod cum omnibus arboribus habet
commune. Cortex positivè, ille enim thesaurum & cime-
lium constituit æstimatissimum, odorem, saporem, essentia-
lem & formalem, aromaticum sine pari. Cortex privativè, si-
ne ligno, quod respectivè iners est, neque participat quic-
quam de his dotibus. χηρσιμος δ' ἔστος, ὃ τὸ ξύλον, hic utilis,
ἀσίστη, summæ gratiæ est, verbis Theophrasti, non lignum,
quod

quod iners, quoniam hoc *μωρόν* & insipidum est, in quo recentiores omnino conueniunt.

Arbor vero ipsa non vno conceptu analogiæ, ad alias comparata, describitur, tam figura, quam altitudine & magnitudine, aliisque. Alii cum *Theophrasto* æquiparant *viti- ci* fruticem, quem agnum castum barbare vulgo vocant. Arborem mediocrem *Iac. Breynius* describit, & cum tempore satis magnam, ligno albo, inodoro, molli, *salici* non absimili, variis concinno ordine ramis diffusam, FOLIIS pediculis habentibus, tribus nervis insignitis, odore caryophyllorum aromaticorum.

Recentiores plerique *lauro* magis assimilant, maxime forte figura quadam laurinum in suo genere inducti; alii *oliva*. Hæc omnia ex icone ad viuum expressa, & autopsia optime patent.

FLORES sunt racemosi, odoriferi, albidii, stellati, qui in FRUCTVS, detentos in calicibus, desinunt, oliuis minoribus præditi, vel instar *glandium* minorum potius, intus *nucleum* exhibentes. Latius & fusius hæc passim describuntur, & a nobis possidentur quoque, visenda singula satis elegantia. Hæc vero breuiter saltim & *ὡς ἐν παρρησίᾳ* notamus, quantum nempe nostri est scopi.

Ceterum plurima fabulosa apud antiquiores scriptores non solum de casia, sed & de cinnamomo, ab alitibus allato, fuisse tradita, ab *Herodoto l. 3. p. m. 234.* asserta, ab aliis si non approbata, saltim relata, quæ prolixius afferre non attinet, utpote nullius vsus. Vid. *Plinius l. 10. Nat. Histor. c. 33. p. m. 426.* & *Aristoteles l. 9. Hist. Anim. c. 13. p. m. 711.* qui hinc *κιννάμωμον ὀρεον*, cinnamomum autem, ut *Plinius* cinnamologon, vocat; & *Harduinus Comm. l. c.*

Enimuero, ut hodierna ratio commerciorum longe alia est, tam ad inquirenda & cognoscenda omnia illa felicius cla-


riusque, quam ad acquirenda & afferenda longe copiosius; ita olim, in defectu horum, carius longe, parcius & obscurius obtigere, per transennam quasi saltim visenda.

Alii ad arbores *pruniferas* referunt, verum commodius videtur ad glandiferas referenda, saltim ad ideam melius concipiendam; alii ad *nuciferas*, in quo unicuique suam relinquimus philosophandi libertatem. Hinc, verbis *Dale*, in *pharmacol. p. 428.* notæ sunt glans nuciformis caliculata, nucleo bifido, calloso, duro ac pingui, cortice integro, admodum fragili, calice concauo. Vbi & plura habet.

C A P V T II.

De

Origine, Temperamento & Affectionibus aliis Cinnamomi.

 Is breuiter præmissis, propius de origine cinnamomi agendum venit, tum proxima, & immediata, tum remotiori, seu ipsa patria. Origo non aliunde petenda quam ex genere arborum, quoad characterem, nucleis præditarum, quoad corticem, canniferarum, earumque aromaticarum.

Vt vero melius hæc distinguantur, primo omnium asserere nobis integrum erit: Cinnamomum nostrum & veterum idem esse, non aliud. Vbi enim eadem prædicata, ibi idem quoque habendum esse subiectum; longe est verissimum, & extra dubium. Iam vnanimis est sententia veterum, esse grato odore, fragrantia, suaueolentia, gratissimoque sapore præditum, aroma omnium excellentissimum, neque quenquam id diffiteri; reliqua item omnia non asse-

qui

qui cinnamomum, sed multis ab eodem superari parafangis, nullum id præstare, nec nominari posse.

Et si quædam videantur abluere, v. g. odor rutæ, vel cardamomi similis assertus, notandum est, latissime ἰδιόζωτες tales affectiones acceptas fuisse apud veteres, nam in confesso est, rutam, exempli loco non esse σφόδρα vel λίαν εὐώδη, valde & admodum suaveolentem, sed βαρύτερον, gravem odoratu. Idem de aliis puta. Non vacat vero autores huius asserti iam euolvere & laudare ulterius.

Nec cinnamomum veterum fuisse vel asseri posse cassiam caryophyllatam; toto enim cœlo differt, vel, si similis quodammodo dicatur, simile non est idem. Comparetur utcumque voles, nec odor, nec sapor, nec affectiones aliæ huc fecerint, præcipuum cinnamomi discrimen. Est vero cinnamomi proprium, quod dicatur & sit morfu acutum, nullum inter cannas simili gaudet ἐξοχή. Nec id vlla sufficienti alia ratione probari potest.

Porro cinnamomum & cassia non vna eademque, crescunt in arbore. Distinctum est utrumque aroma apud sacros & profanos autores, per dicta. Seu non una eademque plantâ est, quæ hic ferat cinnamomum, alibi cassiam, quæ summis ramis cinnamomum, imis cassiam largiatur. Vid. *Cass. Hoffmannus l. de med. officinal p. 232.* & *Charas in primis comm. de Theriaca.* Differunt sapore, odore, & magnitudine, minor enim est cassia, ne dicam de patria diversa, & maxime lentore in masticando, qui in cassia est, non in cinnamomo, & aliis.

Fallor? an *Dioscorides* ipsam cassiam confudit cum calamo aromatico, cui non pauca tribuit, quæ cassiæ ligneæ conveniunt, (lignæ forsan dictæ, quod respectu cinnamomi lignum magis sapiat, quam aroma,) seorsim, quod ἐν τῇ διαμασῇσει sit γλιγεῖς, lentus in mandendo, & alia. Cala-

Calamus vero aromaticus, *teste Eresio*, circa lacus crescit, *l. 9. Hist. Plant. c. 7.*

Sed hoc ipso inuitamur ad patriam cinnamomi, quam duplicem inuenimus, indefinitam & definitam, hanc vero veterum & recentiorum. Illud vero in genere præmittendum videtur, non videri in vno solo loco cinnamomum crescere, quamuis κατ' ἐξοχήν vno plurimum, & magis. Sicut enim non omnis fert omnia tellus, ita quæ simili climate gaudent, sæpenumero similia vel proferunt, & indigenatum sortiri possunt, imo non raro & in aliis.

Fertilem fuisse oportet regionem, quæ apud Geographos antiquos iam fuit & dicta est κινναμωμοφόρος, *cinnamomifera*, cuius sæpius meminit, eamque describit *Strabo*, velut ἐσχάτην οὐκ ἐκείνης πρὸς μεσημβρίαν, *ultimam orbis ad meridiem*, *l. 2. Geograph.* Hæc quæ sit, in controuersia est, cum sint, qui Africæ assignant, quo de vid. B. *Cellarius*, polyhistor celeberrimus *l. 4. Geograph. c. 8.* Æthiopiam vero aromatis carere B. *Jobus Ludolfus* autor est, qui paræm in cognitione linguarum, & maxime Æthiopicæ, non habuit, ne dicamus de aliis.

Quod si quis Taprobanen intelligat, (vti Ceilaniam esse sunt qui statuunt,) dissentit & contrariatur expressis verbis ipse *Strabo*, qui manifesto contradistinguit, duobus locis minimum *p. m. 63. & p. 72.* regionem cinnamomiferam, imo eidem oppositam asserit, quod quidem in præsentiarum eruere non allaborabimus.

Non minori autoritate & ratione patria cinnamomo assignatur India & Arabia. Refert hoc *Theophrastus Eresius* non minus in genere *l. 4. Hist. Plant. c. 6.* Arabiam, Syriam, Indiamque matres arborum odoratarum, & inter hæc cassiæ & cinnamomi; quam in specie eadem gigni in media regione Arabum, circa Saba & reliqua loca. *l. c. l. 8. c. 4. &*

l.4.c.7. De posteriori idem confirmat *Diodorus Siculus l.III.Rer. Antiquar.* qui Arabiam felicem, casiam, cinnamomum, & alia eiusmodi plura ferre scribit. Et *Dionysius in periegesi v.945.*

Φύλλα Φέγγυτες, canit, ἀκηροσίων κινναμώμων,

Folia ferentes incorruptibilium cinnamomorum.

Itemque *Priscianus* in eadem *v. 178:*

Et casia nec non & canna dulcis odore,

Cinnama præterea iucunda naribus aura.

Quamvis igitur *Garzias* & alii negent in Arabia inueniri cinnamomum, sua tamen autoritas laudatis relinqui potest, donec plenior inuestigatio hoc perfecerit; rarissimæ enim illuc sunt peregrinationes etiamnum hodie, & tanto quidem rarius, quo abundantius per hodierna commercia affertur ex vnica regione Ceilan.

Nec apud *Sinas* deesse Cinnamomum hodie statuitur, quo de latius *Neuboffius* videri meretur. Confirmarunt vero idem præ omnibus aliis, non modo *Serapio Simplic. c. 265.* qui Persis Darseni dici asserit, quasi dicas, lignum Sinense, verum & præcipue *Michael Boym* in *Flora Sinensi*, libro rarissimo.

Hoc, scribit, Sinenses Kueypi vocant, in provinciis Quamtum, Quamsi & Tunchin provenit, sed melius omnium in Ceylan Insula, (cui olim Sinenses hoc vocabulum ex multis nauibus contractis imposuerunt,) progeneratur. Idem etiam autor est nomenclaturæ laudatæ, quod mercatores a Sinensibus alias dicto arboris dulcis cortici imposuerint nomen Cina- & momum, quod significet lignum Sinense dulce & odoriferum.

Quibuscunque igitur locis provenit accrescit, adulto sic more finditur ac cæditur, cultro incuruo remoto

C

extimo

extimo tenuiori cortice, solique feruenti expositus siccat, colore mutatur, calore intensiori magis expanso, ad ruborem quendam. Ipsa arbor sic decorticata ab aliis scribitur interire, vti apud nos consimili processu instituto exaret quoque arbor, ab aliis prouehi iterum, perdurare, & porulis exsudentibus miculis iterum incrustari, & corticem sic renasci. Fieri id forte potest, si tertia intima cutis succum nutritium colligere illibate queat, & contra.

Tempus colligendi ab aliis plerisque indefinitum, ab aliis definitum innuitur. Si *Floram Sinicam* audiamus, dum fructus nigrescit, tempus decorticandæ arboris Cinnamomi aduenisse colligunt. Minimum arbores distinctæ eliguntur, aliæ annosæ, aliæ iuuenes & vegetæ magis, optimæ mediæ. Vnde & pro bonitate aliud Cinnamomum finum, finius, finissimum audit, omnium optimum: aliud medium, aliud vilius, quod tamen pauci asserunt.

Maior temperamenti habenda est ratio. Est hoc generatim cum aromatibus omnibus commune, omnia enim aromata sunt calida, nedum tam eminens, & ἐξοχῇ singulari præ aliis conspicuum. Consentiunt in hoc omnes medici, qui hæc principia genuina naturæ admittunt, & speciatim, qui simplicia secundum hanc classem graduum distribuit *Serapio*, qui inter alia calida & sicca tertio gradu locauit. Neque in eo aliquid desiderandum, sed id omnino concedendum est, nisi mansiones quasdam ad penitus illa determinanda statuere velimus, differentia admissa pro notis bonitatis, ætatis, collectionis ac durationis, & reliquorum.

Testantur id euolutæ, per examen sensuum, saporum affectiones, particulæ acres, salinæ, sapidæ, dulces, volatiles, vtræ-

utraq; oleosa, sal fixo acido-terreo immersa. Sistunt se oculis, seu via sicca tractentur, seu humida, imo & a principio decorticationis. Quando ea circa truncum ceditur, quando arbor succo turget, separatus cortex recens, in principio est planus, minus coloratus, & fere expers saporis & odoris refertur. Sed inter siccandum conuoluitur & figuram cannæ induit, unde canellæ nomen est, & exhalat eiusdem humiditas superflua, quæ occultebat prius maximam partem bonarum qualitatuum, prodit se odor dulcis & penetrans, non minus ac sapor maxime tam acceptus, quam acutus & penetrans, poris patulis exhalans. Vid. *Charas pharmac. Galenic. part. 1. pag. 166.*

Vtut vero non parum immutetur per ignem immediatum, eadem tamen partes emicant & hoc modo *R. cinnamomi acuti* lbi. concerpatur in frusta, quæ indantur in retortam vitream, iuncto recipiente apto vitreo. Destillatione facta in catino ex arena, successiuo igne, inde prodiit primum phlegma, & spiritus acidus, ad uncias sex vel octo, instar spiritus tartari quasi, hinc oleum nigrum ad 3ß. minimum, ex dulci acre, sed empyreumaticum, citra vllum sal volatile conspicuum.

Elegantius & minori dispendio, maiori gratia, idem impetratur in aqua cinnamomi, vt inferius dicemus. Vidimus etiam in oleo cinnamomi genuino succrescentes circa fundum crystallos, satis elegantes; ne dicamus, ex oleo repeti quoque sal volatile, methodo Helmontiana, si quis ea occupari velit, quo fere non opus est. Frustra vero fuerit, qui negare hæc elementa sustineret, tam clara, tam euidentia, vt nihil supra.

Et ob hanc actiuitatem particularum eminentium, cum-

primis si verum sit, non adulteratum, adæquate & ob siccitatem, cariem non sentit, non corrumpitur, & vires quam diutissime seruat integras, puta, si ab aere, aqua, terra, igne seruetur integra & illibata substantia.

Sunt, qui certum & definitum tempus, quo asseruari queat integris viribus cinnamomum, assignant. Non audienda est *Flora Sinica*, de cortice accepta, quæ vix vno anno suam perfectionem primæuam retinere scribit, quod de ligno forte intelligit. Alii decem, quindecim, viginti, triginta annos durare asserunt, sed reuera indefinita est hæc ætas, & duratio tam obseruata, quam ratione stabilita.

Implicata enim & inuoluta sunt volatilia fixis, salina sulphureis, terreis vtraque, vt & aqueæ essentiales coalitæ & concretæ cum singulis. Ita obtinuimus ultra triginta annos frustulum tenuioris, & cum ligno suo iuncti corticis. Baculus ex cinnamomo, qui summi fuit Regis, hinc Serenissimi Principis Diui Ernesti, in rarithecio Saxonico arcis Fridensteinensis asseruatur. In Herbario vero viuo, ex charta regia, in Bibliotheca Ducali ibidem, extat insertum cinnamomum, quod Anno M D XC. ex Insula Ceylon decerptum fuit, tam odorum, sapidumque & elegans, ac si ante paucos dies insertum fuisset.

Notabilis vero vna præcipue est hic *τρόπος τῆς μίξεως*, seu *modus miscela*, siquidem in cinnamomo aqueæ acidocalicæ, terreæ fixæque cum volatilibus ita remixtæ, pluraphænomena, inprimis dulcedinis ipsius, quæ acido-sulphureo diuersimode modificato merito debetur, illustrant; & hinc insigniter profunt. Hæ aditum subtilitate sibi parant, & euoluuntur prompte in corpore, & euaporant, vti *διαρρηκτικὴ* talis chylo, & assumptis alimentosis, cum medica-

dicamentosis his est communis, fixis remanentibus & roborantibus, contemperata & diuifa virtute aperitiua & adstrictiua, quo ipso ad vires scrutandas, & commemorandas inuitamur.

CAPVT III.

De

Viribus & usu Cinnamomi.

Medicorum interesse est in scrutandis naturæ arcanis, omnia æstimare ab vtili, adeoque etiam potissimum in cinnamomi determinandis viribus integrum erit occupari, quæ sane, aliis tam medicamentis, quam aromatis contra, sunt summi nominis.

Vt vero conciso ordine illas exhaurire & complecti possimus, videntur facillime proponi velut in idea posse, si dicamus tribus verbis, quæ in bona causa alias sufficere prædicantur, easdem constare alterandi, aperiendi & roborandi virtutibus.

ALTERAT cinnamomum principia vitalia, calidum & humidum, intendendo; calefacit, rarefacit, in motum vocat & serum & sanguinem, flammam vitalem depressam, prodest in affectibus frigidis in genere, vt aromata alia quæcunque; calefacit sic, & siccat.

Commendatum hinc sine dubio fuit iamdudum & contra morsus viperarum, saltem etiam communi nomine. Ingreditur theriacam, mithridatium, idemque in substantia, & plerisque inde præparatis præstat.

Vlterius vero **APERIT**, incidit, attenuat, viscosos, lentos, pituitosos humores, imo & fixos acetosos. *Diureticum* est, expedit vias intestinales, cruditates acidas & pituitosas, tubulos chylofos, glandosos, mesentericos, renales. *Emmenagogum* est, tollendo remoras menstrui sanguinis, & vias vteri porosque ad ὀργασμὸν minus pronas atque patulas naturali statui aptat, & inter aperientia præcipuum, & inter pellentia ipsa. Hinc & in partu difficili iuuando magni momenti est, ingreditur pulueres ad partum Augustanorum, Noribergenſium, oleum cinnamomi, pulcrem ad partum aloeticum, Wedelianum, & alia.

ROBORAT maxime alterando & aperiendo, eo magis laudandum, quo excellentius vtrique præſt. Mediante λεπτομερεῖα aperit, adiunctis particulis terreis roborat & adstringit, qualia aperientia optima esse vnanimis medicorum schola confitetur.

Roborat spiritus vitales & animales, luculam vitalem & flammulam exſuscitat, iisque suggerit noua succendicula, amica quam maxime. Roborat humores, sanguinem cum suis globulis, & sale volatili, lympham balsamicam, modo non peccetur.

Quod enim, elogio *Galeni*, de aliis valet, nullum esse tam generosum medicamentum, quod non aliqua ex parte noceat, vel abusu nocere queat, id etiam de cinnamomo verum est, & prædicari potest. Cum enim calefaciat, cum alteret, facile efficitur, cauendum esse, ne quid nimis; ne in calidis affectibus, vt febribus continuis, vel aliis ultra modum excedatur.

Vtut enim omnibus aromatibus contra & hanc prærogatiuam possideat, quod non facile piperis acrimoniam, eroci

croci eminentiam vaporosam, nucistæ aliorumue oleositatem attingat, vel iisdem foenerari corpori noxam soleat, quod temperatis & fixis mixtam volatilitatem obtineat; rarefactione tamen, & modo adhibendi minus congruo nocere aliquando potest.

Neque ordinarie extra febrim & excessivam molem id præstiterit, vti *Mæbius* inde palpitationem cordis *Epit. instit. medic. p. 157.* ortam observavit. Quin paroemia vera est Gallorum: la vertu de la canelle ne passe sur l'estomac; *Virtus cinnamomi non transit facile ventriculum.* Sed redeamus ad scopum nostrum.

Si speciatim SINGVLOS VENTRES pertranseamus, quomodo virtutem roborantem hinc inde seorsim exerat, apprime id præstat in MORBIS CAPITIS FRIGIDIS, a viscidæ acidæ pituitæ coagululis, ab acetosa fixitate, ab intemperie frigida oriundis. Officium facit in melancholia v. g. apoplexia, paralyti, incubo, affectibus soporosis, catarrhis, memoriæ debilitate, obliuione, catalepsi, vertigine, epilepsia, & aliis suppetias fert cinnamomum.

In OCVLORVM item, AVRIVMQVE & aliorum sensoriorum organorum roborando elatere, excellit cinnamomum, seu visus sit debilis, seu immineat suffusio, seu gutta serena minitetur, seu aliis modis spiritus & lymphe desciscant a suo vigore balsamico, appetente senio, aut scorbutico alioue peregrino caractere.

Ad *πρόσθεσιν* nempe confert magis, quam *ἀφαιρέσιν*, vbi calidum roborandum, vbi humidum vigorandum, principia vitalia ad vitam longam suffulcienda & fomentanda. Idem in *δυσανθία* valet, quando susurrant, & tinniunt aures, æther impensus vigorandus, dissipanda aura elastica, & in genere ipsi flatus, vt in colica, & alias.

Enim-

Enimvero CARMINATIVVM etiam est excellentissimum cinnamomum. Liceat hinc culinam primam inferere & delibare prius, seu coctionem primam, vnde lucent reliquæ. Carminatium præseruatue, & curatiue, & inter stomachica principale: seu fermentum spectes, quod acrimonia sua volatili & balsamica acuit; seu calorem vitalem, quem animat, seu *περίληψιν* & fibras nerveas, & quod sigillat reliqua, tonum integrum, quem apprime roborat.

Hinc condimentum est culinarum longe gratissimum, suavisimum, catholicum, polychrestum, princeps. Vt hæc paulo visamus penitius, condit & suauitatem accessione sua conciliat, si intritum, cum pane & vino, vel cereuisia quoque, parandum, seu tragema cum vino & similagine, cum & sine saccharo.

Sin frustula integra æstimes, ita cum cinnamomo & caryophyllis condiuntur perdices, galli Indici aliique asfandi. Sic insperguntur pulres ex gramine mannæ, & oryza. Et aqua cinnamomi & pulvis decorat & condit iuscula amygdalina, decoctum herbæ Thee; confectio cinnamomi panes Martios, & nulla non alia.

Gratiam conciliat vna ori, corrigit foetorem, masticatorium est, condit saliuam, tollit putrilaginem scorbuticam, clareta præstat, & gulæ illecebras, cum & sine saccharo, imò ipsi huic contra gratiam offert, vel vtraque potius, connubio iuncta, se inuicem reddunt gratiora.

Sed quid dicemus de VENTRICVLI AFFECTIBVS ipsis? Retundit nauseam, ciet appetitum, coercet vomitum, tollit ructus, resoluit singultum, refrenat lenteriam, corrigit cardialgiam, arcet & emendat cruditates, totam illustrat

frat culinam, iuuat chylicationem, refrenat acidum fixius, iners, disiicit pituitam, stabilit totam œconomiam primam.

Roborat viscera omnia, hepar, lienem, renes, partes genitales, mesenterium, remedium colicæ etiam scorbuticæ, torminum, obstructionum hypochondriacarum, tartarearum, coagulorum lymphæ, lumbricorum ipsorum, icteri, cachexiæ, hydropis, frigidorum, vbi ἀπανάστα sunt νόεα, nephritidis, dysuriæ, stranguriæ.

Scorsim vterum roborat, si menses sint citandi, per dicta, si iuuanda conceptio, si remouenda item sterilitas, abortus præcauendus, lac corrigendum, præsto est cinnamomum. Et habet quidem diuisas operas, & in hoc passu, cum cassia lignea, si temperatior medela expetatur, in reliquis vero eandem antecellit & superat. Vterum frigidum iuuat, iam Hippocrati dudum cognitum & commendatum, & albo tabo manantem corrigit.

Et hæc præstat citra vllam hyperbolen, concessa ab omnibus medicis veritate, & probatissimis vsibus. Imo, si exceperis febriles ignes, vbi tamen, retusis & dilutioribus magis particulis actiuis calidioribus, nihilominus roborat insignissime, vel fluxus sanguinis immodicos, non facile etiam excessu laudato lædit, vel noxam parit.

Primaria quædam fœmina, eaque non grauida, cinnamomi delectata vsu & masticatione adeo luxuriosa, & velut insana, vt per plures non dies sed menses vix vllis precibus, monitis, deterrentibus minis, & custodia, abstrahi & dimoueri posset, quin vno die, mirum dictu, ad aliquot vncias, imo fere libram integram deuoraret: neque tamen inde morbum contrahebat, non imitando autem exemplo.

Vti vero eminentissimum est *cordiale*, ita in affectibus

MEDII VENTRIS suas exerit vires apprime. Sane in palpitatio-
ne cordis remedium est præcipuum, roborante, resolvente,
aperiente virtute, vnde vel sola aqua cinnamomi cum spe-
ciebus cordialibus temperatis facit officium, nedum reliqua
omnia ex cinnamomo parata, ordinarie puta. Dantur enim
aliquando subiecta, quibus quæcunque alia etiam optima non
satisfaciunt, vti nec Iupiter omnibus placet, quod dici solet.

Sic Serenissima Princeps, aliæque personæ eminentiores,
visæ sunt auersari cinnamomum, ob *ιδιουσυγκρασίαν*, tenerioris
ætheris variata pressione, vnde in motus anomalos citantur
spiritus.

Idem de lipothymia & syncope valet ipsa, vbi *ευνόησις*
est & cinnamomum, vel sola masticatione, vel illitu olei, vel
balsami adhibitum, spiritibus sic adspirans opem præsentan-
team. Adeoque & hic roborandi vis emicat, & tono cordis
& sanguinis robur afflat longe optime, vel intus, vel extus
facta applicatione.

Imo & in THORACIS AFFECTIBVS non desinit esse saluta-
re & proficuum, in tussi crepera, crassa, tenaci, lenta, vi-
scida peccante pituita, in asthma, incubo, communi ce-
rebri, neruorum vocalium, & pulmonum adiuto officio; in
catarrhis. Sale enim volatili oleoso resolvente & his succur-
rit, & grata pectori dulcedine cum aliis appropriatis remixtis.

Tacemus virtutem anthelminticam, & putredini ac fœ-
tori inimicam, vnde ANTISCORBUTICVM est, scorbuto frigido
& lymphæ putrilagini, acidoque salutare remedium. Quæ
enim corruptioni sunt contraria, eadem & putrilagini cui-
cunque: quod vero quid non habet, etiam hoc loco, illud al-
teri dare non potest. Et ipsa hac sua aromaticitate contra-
riatur virulentia, verbis *Ebn sine*, seu contraria putrefactioni
resi.

resistit medicinis mortiferis ; seu, effato *Anazarbei*, ἰοβόλοις
μελίοις καὶ θανασίμοις ἀερόζοις, *contra bestias*, *que virus eiaculan-*
tur venenaeque conuenit.

Præstat hæc & alia cinnamomum non modo interius
 potissimum, verum etiam externe, eodem usu. Et id quidem
 in suffitu maxime, vti ad vterum maxime celebratum legitur
 apud *Hippocratem* non vno loco, v. g. ad eundem emollien-
 dum & purgandum, ad dolores, ad sterilitatem & reliqua.


Id ipsum ad foetum roborandum non de nihilo est, cum
 amygdalis dulcibus, caryophyllis aromaticis, nucista, mace,
 vino Hispanico, vel balsamo embryonum, cum pane mellito
 Noribergensi, notissimi vsus.

Nec EXTERNIS aliis inconueniens est morbis, quorum
 instar lentigines, & vitia cutis in facie, ex melle illitum deter-
 git. Vnguentis etiam pretiosis inseri solet, καὶ καθόλα ὅτι πολύ-
 ζησον, & in summa magni ad omnia est vsus, vt verbis *Dioscori-*
dis hæc concludamus.

C A P V T IV.

De

Præparatis ex Cinnamomo Ga- *lenicis & Chemicis.*

ideri quidem posset cinnamomum statim suum esse,
 nec egere præparatione vlla ; sed id antiquis seculis
 valuerit, ignorantibus spagyriam, vel, vt communius
 hodie audit, chimiam. Vulgatissima omnium & facillima
 est præparatio, quæ fit contusione in puluerem, aromaticum
 illum & fragrantissimum, siue pro usu culinario, seu medi-
 camentoso.

Hic vero tenendum est, vix commode & sine damno, id fieri in vsus alios, quam extemporaneos, & quibus carere alias minus possumus. Vel ipsa enim contusione illa & cribratione exhalant non paucae, optimae, volatiles, & aromaticae particulae, quae citra necessariam puluerisationem mansissent integrae.

Hinc plane inutile est, quod *Dioscorides* praecipit, si tritum vino excipiatur, umbraque siccatum, quo diutius eduret, recondatur. Satis est tantundem puluerisatum, defensum ab aere, asservare, quantum ad vsus extemporaneos, per se & cum aliis miscendum vel extrahendum est necessarium. Quin nec ad aquam, vel oleum euocandum puluerisatione opus est, cum ignis & aquae vi exui queant & euolui, ut mechanica ab extra appareat integra, reuera tamen nil nisi cadauer vitae priuum supersit.

Sed, ut praecipua & potiora, genuina, classica & apud Europaeos in officinis vsitata libemus medicamenta, ex cinnamomo praeparata, inter haec prima sit AQVA CINNAMOMI. Vix ex villo alio simplici vel vegetabili plures & magis diversi generis aquae confieri solent, quam ex cinnamomo, adeo ut fete rude donari mereantur quaedam. Laudanda vero inter has *aqua cinnamomi sine vino*, quam & sine nomine alias addito efferunt, vel simplicem & sine vino destillatam.

Haec licet a nonnullis additione aquae rosarum confieri soleat; praestattamen reuera simplici aqua fontana promensruo uti, praeparatione cum oleo cinnamomi ceteroqui communi.

℞. Cinnamomi electi, morsu acuti, in cannis puta & integri, *auserlesenen langen Zimmet* / vel fragmentorum, quae pro hoc casu quoque recipi non abnuunt, *gebrochnen*
oder

oder furzen Zimmet / quantum vis, v. g. lb. i. ii. iii. iv. pro maiori vel minori exigentia, ipsiusque officinae modulo.

Concerpantur in frustula cum digitis, citra contusionem penitiorem, affundatur in vesica cuprea aquæ simplicis quantum satis, diffusa & sufficienti, sextupla vel octupla minimum, imo & superflua quodammodo quantitate, non solum ad exhauriendam omnem virtutem, verum etiam ad præcauendum empyreuma.

Stent infusa per vnum alterumque diem, ad macerandum, & laxandos poros, hinc l. a. probe lutatis alembici & recipientis iuncturis, in hoc destillatio fiat, igne subdito per gradus successiue administrato, nec festinanter nimis, nec præcipitando nimis ἐγχείνων, alembici & tubulorum parietibus probe stanno obductis.

Ita enim prodeunt sensim guttulæ, seu liquor primo limpidus, hinc lactescentes, prioribus addendæ, testes quippe particularum oleosarum resolutarum, & quasi subpræcipitarum. Adeoque separanda est aqua cinnamomi primaria a secundaria, & asseruanda vtraque ad vsum, sicubi temperatior expetitur in febribus, & vbi alias contraindicatio elucet, & in contrarium militat, in potionibus, emulsionibus & reliquis.

Alterum locum tenet *aqua cinnamomi cum vino*, quam alii ad compositas referunt, sufficiente interim distinctiuo addito hoc nomine. Neque differentia est in processu, nisi excepto menstruo hoc liquore. In reliquis enim per omnia conueuiunt. Loco aquæ enim vinum recipitur, seu nostras, seu aliud bonæ notæ, ita tamen, vt maximam partem vinum effundatur, iisdem conditionibus & circumstantiis. Non omittatur tamen additio aquæ ipsius, adeoque similiter

procedatur, ut non nisi virtus variet saltem, calidior paulo, non tamen excessiue. Vnde etiam primaria cum secundaria, pro re nata, confundi & misceri potest, adeoque in statu medio in usum trahi, citra metum caliditatis maioris, in reliquis non æque adeo magna differentia obuia.

Ast hic tangendus est mos, minus probandus, quarundam officinarum, quæ loco vini, nescio qua audacia vel temeritate, vel abusu saltim, recipiunt spiritum vini, seu genuinum, seu frumentaceum, non sine noxa sæpe, vel errore saltim insigni. Cum vehiculi loco peteretur in cachectico-hydropico aqua cinnamomi cum vino, mittebatur spiritus cinnamomi, dicto modo factus, qui cum in ægro, qui a spiritus vini largiori usu in morbum inciderat, nullo modo adhiberi, vel admitti posset, necessario remittendus erat. Tanti interest, non quid pro quo admittere, & noxam loco remedii inferre.

Vt pergamus igitur, cum spiritus cinnamomi minus respectiue, simplex saltim, in usum veniat, quamuis id liberum & indifferens concedere liceat volentibus, tertio loco optima & classicum in usum recipi digna est aqua cinnamomi cydoniata, seu cum succo cydoniorum expresso & depurato facta. Hæc mediat quasi inter simplicem & cum vino factam, magis tamen ad priorem referri potest, vel inclinatur, mutata sibi ex succo cydoniorum particulas alterantes & roborantes temperatiores, manifesto tamen alium characterem præ se ferentes, quam aqua simplex foenerat, cydoniato grato & iucundo sapore & odore conspicua.

Neque hic processus adeo differt, sed similis itidem est per omnia, nisi quod, leni fermentatione accedente, virtus exaltetur magis, & a posteriori simul impetretur quasi

sirupus

Sirupus, ab inspissato succo cydoniorum, cum particulis quibusdam fixioribus cinnamomi. Potest etiam minori quantitate fieri in vasis vitreis, idque sic longe commodius, vitanda sic alteratione a particulis æneis vesicæ, vt *alius* quoque quibusdam.

Et hæc præter vires, cum reliqua aqua cinnamomi communes, stomachicas obtinet & satis temperatas, in vomitu, cholera, dysenteria, debilitato ventriculo, non quidem adstrictorias proprie, attamen aromaticas modificatas & roborantes tonicas. Vnde frequentissimi est vsus & longe optimi. Tacemus vtrobique oleosas esse diffusas & lactescentes, dum recens parata est aqua, quæ vt miculis etiam exiguis se præsentant, in maiori copia si operatio fiat, ita sensim sensimque ad fundum descendunt, & in oleum vnitum abeunt.

Quantum locum tenent *aqua cinnamomi borraginata & buglossata*, seu seorsim alterutrius accessio, succi, aquæ, florum, nomen largiatur & ingrediens; siue coniunctim vtraque in substantia & aqua. Talis est aqua cinnamomi florum cordialium *Dispensatorii Noribergensis* ibidem fol. 144. visenda, quæ constat ex cinnamomi acuti ℥ ii. florum borraginis, buglossæ, rosarum incarnatarum recentium a. miii. aquæ borraginis, buglossæ, violarum a. ℥i℥. M. F. destillatio per Mariæ balneum.

Ibidem vero quoque descripta extat *aqua cinnamomi contra epilepsiam*. Tacemus plures alias, vbi quod in laudatis fit, cinnamomum baseos titulum non subit primum, sed iuuantis saltem, vt vel loco citato aqua epileptica Norib. aqua mastichina, aqua antimelancholica, aqua aromatica, aqua confortatiua, aqua vitæ mulierum, seu balsamum embryonum describuntur & videri queunt. Sed quis enumeret hæc talia, quæ & alibi abunde reperiuntur, si non eiusdem, saltem similis comminatis?

Inter

Inter pretiosissima etiam ex cinnamomo præparata militat OLEVM cinnamomi. Optimum quidem fuerit idem ex Indiis asportatum, modo genuinum sit; potest vero etiam apud nos confieri, & bonitas sui parentis inde probari, si dira auaritia absit, & non adulteratum, ut vel spiritu salis ammoniaci dulci ad oculum sisti potest, amygdalino puta vel balanino, alioue.

Describitur & hoc passim a Chemicis, præcipue vero *Lemery cursu chimico part. 2. cap. 4. p. 489.* & aliis. Processus, per dicta iam, cum aqua idem est, unde non attinet actum agere, vel huc transcribere eundem. Notandum tamen præstare respectiue, si in paulo maiori quantitate instituat *ἐλκεῖν*, ad ℥iij. vel iv; si cohobetur itidem noua affusa aqua, a qua iam oleum fuerit separatum; si ignis detur sufficiens, & paulo fortior. Ita enim ℥i. circiter ʒi. largiri aliquando potest, vel ℥iij. ad summum ʒvi. quod tamen apud nos rarius impetraueris.

Habet hoc vires dotales & seminales concentratas unitasque, quæque inde expectantur, omnium maximas & eminentes, ad quoscunque vsus iam commendatos, adeo ut non tam doses guttulis, quam guttulæ dosibus sint adnumerandæ, ad guttulam vnâ vel alteram scilicet, dissociandam vel cum saccharo in elæosaccharum elegantissimum, vel in vsus cephalicos, cordiales, stomachicos, aphrodisiacos, emmenagogos, ad partum difficilem, & alia.

Tacemus vsus alios ad VNGVENTA & BALSAMA, simplex scilicet cinnamomi, & composita apoplectica, cordialia, stomachica, polychresta: ad rubefaciendum, ad sphacelum imminuentem & reuocabilem *νέκρωσιν*, separatis partibus inter mortuis, ad reuocandos spiritus, & centena alia.

Hic

Hic vero memorandum est olei cinnamomi & caryophyllorum præcipuum, præter alia, phænomenon, quod fundum petant aquæ immersa. Id vero duplici nomine alias accidit: (1) ob salis volatilis eminentiam & abundantiam maiorem, sal enim est gravitatis principium; (2) ob cohesionem hinc intimiorem, vnde cum minus in superficie æqualiter expandi queant, quæ alioquin globositate maiori pollentia præstant quoque, ita se inuicem librant, vt respectiue saltim implicata magis ad ima vergant, excluso quasi magis, nec poris se ita insinuare valente æthere subtili. Id quod tamen in tenuatis magis particulis si contingat, miculæ tales magis superficie tenuatæ inhærentes reuera visuntur supernatare, licet pauca illæ.

Eadem quoque ratio est, quod eorundem facilius cum aqua concussæ particulæ alborem lactescentem inferant, solutioni faciliori simul quodammodo inferuientes, & sic aquam cinnamomi quasi extemporaneam æmulantes: quod item cum spiritu vini rectificato tartareo, vel potius cum spiritu aromatico vel quasi, vt apoplectico, confundi, misceri & vniri seu absorberi se patiantur; vnde spiritus cordialis vel linimentum consurgit egregium, cum vel sine confectione alkermes, camphoræ, aliorumque accessione.

Ipsam vero residuum a destillatione aquæ vel olei, quod perinde est, caput mortuum, insipidum, inodorum, & cadaver quasi reliquum, anima sua, oleo æthereo, exutum, colore licet suo pollens adhuc, & cinnamomum repræsentans, terreum est, & actiuis suis particulis plane priuatum, vix nisi adstrictoria virtute & siccante in vsum, si quis velit, vocari potest, vel solet; vel potius ad SAL FIXVM alcalicum, præuia incineratione sufficienti, collecta subinde ex parua maiori quantitate, parandum impendi.

E

Cete.

Ceterum & alia ex cinnamomo paranda, recepti usus, delibari amant, liquida, sicca & media, seu molli forma. Ita constituit inter diffusa liquida, iam tacta, clareta, seu potus Hippocraticos dictos, siue cinnamomum instar baseos ad vnam alteramque vnciam, cum vel sine aromatibus aliis, nominatim cardamomo, zinzibere, galanga, nuce moschata, cum saccharo & vino albo, infundatur per noctem, seu aliquot horas; hinc percolando sæpius per manicam Hippocratis; siue ESSENTIA CINNAMOMI simplex, vel composita aromatica, indatur vino compendiosius. Tacemus ELIXIR CINNAMOMI ipsum Noribergensium, & alia.

Memorandum hic est & OLEVUM CINNAMOMI non destillatum, sed PER EXPRESSIONEM confectum, quod describit *Iul. Cesar Baricellus Hortulo Geniali p. 184.* sub titulo: Olei cinnamomi rara & pretiosa compositio, plerisque incognita. Si, *inquit*, cinnamomi oleum ad diuersas infirmitates parare optabimus, capere oportet cinnamomi contriti lbi. quam ad instar liquidæ pultis cum oleo amygdalorum dulcium commiscere studebimus. Tum demum duodecim dierum spatio in loco tepido, clauso vasculo, situabimus, postmodum ex torculari totum id exprimatur fortiter. Hac enim methodo oleum odoris & saporis cinnamomi habebimus ad votum.

Hoc ad vires reparandas, & valetudinem conseruandam rarum est remedium; prodest parturientibus, in stomacho debilitato, tam interius, quam exterius vsurpatur, ægritudines frigidas arcet, & in partibus corporis roborandis est tantæ efficacæ, vt vix alterum consimile inueniatur remedium. Hactenus *ille*.

Et hoc modo, si non alio sublimiori, videntur vsi veteres ad VNGVENTVM DIVINVM præparandum, l. c. vt & apud pro-

profanos scriptores ad vnguentum cinnamominum apud *Dioscoridem l. 1. c. 75. p. m. 31. b.* ad vnguentum Ægyptium & megalion, apud *Eresium l. de Odoribus fol. 446.* & alia, quorum locum hodie balsama tuentur. De ingredientibus, modo componendi & viribus locis citatis, legi possunt autores dicti.

Quis vero enumeret omnia & singula loca autorum, ubi cinnamomum ingreditur compositiones, quod frustraneum etiam omnino foret, siue gulæ illecebras sequamur, seu medicos usus, qui omnes ad dicta referri queunt facile.

Vt vnum saltem tangamus ex multis, pertinet huc CINNAMOMVM COCTVM, quando pulvis cinnamomi acuti apparatus additione aliorum aromatum in cannulas, instar cinnamomi, velut cinnamomum reformatum. Talia exempla describuntur apud *Zwelferum pharmac. Regie Class. XI. p. m. 602.* ne SPECIES DIACINNAMOMI ipsas, tragemata grossa, & alia diuersissimi generis allegemus pluribus.

Sicuti autem ex dictis liquet abunde, aroma esse cinnamomum sine pari, ita totum quidem bonum est, attamen, prouidentia eget, vt id addamus, ne eodem abutamur & alias. Non enim nocet, nisi per accidens, siue vaporositate sua elastica rarefactiua turbare possit spiritus, & grauare caput, siue rarefactione eminenti mixturam lymphæ & sanguinis turbare, & in motum citare maiorem ac eccentricum.

Valet id, vt exempla demus, si quis vel cinnamomum ipsum redigere in EXTRACTVM satagat, irritum fere penitus & frustraneo actu, siquidem natura eiusdem aromatica repugnat plane, auolare magis apta & solita, quam remanere; siue extractis aliis idem, eiusue aquam vel oleum, maxime pro correctione vel roboratione addere. Verum idem est non modo de purgantibus, quo de *Zwelfferi* meretur legi censura iusta classe

classe IV. de extractis p. m. 142. prolata, verum etiam de opiat-
is maxime, vt laudano opiato.

Cum enim vtrique hæc debeant esse magis catholica & polychresta, præter alias rationes, sic angustioribus potius includuntur cancellis. Nullum hinc melius est extractum anodynum, quam simplicissimum, vel cum sola aqua paratum, quam pretiosius quodcunque, & maxime cum oleo cinnamomi aliisque maritatum.

Ita quoque non opus est, vomitoriis addere cinnamomum, vel aqua eiusdem extrahere, cum sale vitriolato, illamque qualitatem ex æneis vel argenteis vasis, cum longe meliora prostant, quod idem *Zwelfferus* tangit quoque.

Quemadmodum itaque summum in terris maiestatis diuinæ exemplum præbet inter aromata cinnamomum: ita longe plura de eodem fuerint scribenda & dicenda, si nostrum id ferret institutum.

Hæ itaque suffecerint iam nobis, tanquam officinis Europæis satis vsitata & cognita; quæ vero alia tangi potuissent ex regina hac arborum petenda, quoad partes reliquas, illa abunde exhibita & recensita a *Bartholomæo Pielat*, interprete, legi possunt in *Insulæ Ceyloniæ Thesaurò medico, seu Laboratorio Ceylonico*, ubi flores, folia, fructus, indeque paratam conferuam, aquam, olea cocta, expressa & destillata, spiritum, essentiam, sal, sirupum, balsamum, vnguenta, emplastra &c. describit.

Vnum illud saltim tangemus adhuc, ex radice cinnamomi parari non solum OLEVM elegantissimum, in vsus iam aliquandiu etiam in nostris oris utilissime receptum; sed & RESINAM pellucidam, vtrique ipfissimam camphoram, eiusque oleum verum, & alia inde parari solita referentia.

SOLI DEO GLORIA!